
ДУНЁНИНГ ТАНИҚЛИ ОШПАЗЛАРИ ҲАМДА ГАСТРОНОМИК СОҲАГА ИХТИСОСЛАШГАН БЛОГЕР-ИНФЛЮЕНСЕРЛАР ИШТИРОКИДА “ФАРҒОНА ГАСТРОНОМИК ФЕСТИВАЛИ” ЎТКАЗИЛАДИ

Вилоят ҳоқими Хайрулло Бозоров Туркиядаги World Tourism Forum Institute халқаро туризм ташкилоти раҳбари Булут Бағжи ҳамда туризм соҳасида фаолият кўрсатувчи ишбилармон Муаттар Эргенни қабул қилди.

Лондон ва Дубай шаҳарларида ҳам ўз ваколатхонасига эга бўлган, 60 дан зиёд давлат билан туризм соҳасида ҳамкорлик қилаётган World Tourism Forum Institute раҳбари билан ўтказилган учрашувда Фарғона вилоятида туризмни янада ривожлантириш, вилоят имижини халқаро миқёсда танитиш, туризм инфратузилмаси соҳасига хорижий инвесторларни жалб этиш масалалари муҳокама қилинди.

Учрашув давомидаги музокаралар натижасида Фарғонада жорий йилнинг октябрь-ноябрь ойларида Michelin Guide халқаро ресторанларни баҳолаш тизими томонидан эътироф этилган дунёнинг таниқли ошпазлари ҳамда гастронимик соҳага ихтисослашган блогер-инфлюенсерларни ҳам жалб этган ҳолда “Фарғона гастронимик фестивали”ни ҳамкорликда ташкил этиш, шунингдек, сентябрь ойида халқаро туризм ҳамда сервис компаниялари, авиакомпаниялар раҳбарлари иштирокида Мастер-класс ўтказиш борасида келишиб олинди.

Шунингдек, вилоятимизга халқаро меҳмонхона брендларини жалб этиш бўйича ҳам ҳамкорликда иш ташкил этиладиган бўлди.

Муаттар Эрген билан ҳамкорликда вилоятимизда ҳаво шарлари туризмни ташкиллаш, шунингдек, туризм соҳасига туркиялик ва қатарлик инвесторларни жалб этиш бўйича аниқ режалар белгилаб олинди.

[Бизни ижтимоий тармоқларда кузатинг Facebook, Telegram, Facebook, YouTube, Instagram](#)

2024-06-21 11:38:38